

Update sa COVID-19 – ika-4 ng Nobyembre 2020

ANONG BAGO?

PAGSUSURI SA KEMH

Tatlong libo apat na raan at labing pitong (3,417) pagsusuri na ang naproseso sa Falkland Islands, ng walang positibong resulta na natanggap sa loob ng isang daan at siyamnapu't apat (194) na araw.

UPDATE SA SWAB TESTING

Patuloy tayo na magbibigay ng tatlong uri ng swab testing sa loob ng Falkland Islands. Ang una dito ay ang sintomatikong swabbing, na ibinibigay sa mga tao na may sintomas na tulad ng sa trankaso at isinasagawa sa pangalawa o pangatlong araw pagkatapos lumabas ang mga sintomas.

Ang *surveillance swabbing* naman ay nagbibigay sa atin ng kasiguraduhan na walang COVID-19 sa ating komunidad at ibinibigay sa mga indibidwal na madalas na nakikipagugnayan sa publiko, maging sa buong popluasyon ng Stanley. Ang mga nagnanais na sumailalim sa *surveillance swabbing* ay maaring magpadala ng email para sa kanilang mga request sa: surveillance@kemh.gov.fk.

Sa wakas ay naipakilala na natin ang *quarantine swabbing*. Naipatakbo na ng ospital ang karagdagang programang ito nitong mga nakaraang lingo na nagbibigay sa mga bagong dating sa isla ng opotunidad na magkaroon ng tatlong swabs sa loob ng panahon na labing-apat (14) na araw habang sila ay nasa quarantine. Ang programang ito ay ibinibigay rin sa kahit sinong nakikibahagi ng tirahan sa ibang tao.

Ang *quarantine swabbing* ay hindi sapilitan dahil ito ay *invasive* o agresibong procedure o pamamaraan, gayunpaman ay hinihikayat namin ang mga tao na makibahagi sa programang ito pagkarating na pagkarating nila sa isla dahil magbibigay ito ng personal na kasiguruhan na hindi sila nahawaan ng virus, may sintomas man sila o wala. Mula sa petsang ito, naging maganda ang simula ng *quarantine swabbing* at ang mga tao ay nakikibahagi sa programang ito.

MGA INDIBIDWAL NA NANGANGAILANGAN NG SWAB PARA SA COVID-19 BAGO BUMIYAHE

Para sa mga indibidwal na nag-rerequest na magsagawa ng COVID-19 swab bago bumiyaha, ito ay maaring maisaayos sa pagpapadala ng email, laman ang mga sumusunod detalye na nakalista sa ibaba sa surveillance@kemh.gov.fk na may titulo sa subject na "Travel Swab". Kung maaari, ipadala ang mga sumusunod na impormasyon ng hindi bababa sa sampung (10) araw bago bumiyaha:

1. Buong pangalan, tirahan, at petsa ng kapanganakan ng indibidwal na nangangailangan ng swab

2. Numero ng telepono para matawagan ka ng KEMH
3. Petsa ng pag-alis sa isla ng indibidwal
4. Bansa na iyong pupuntahan AT ang mga requirements ng bansang iyon (halimbawa, ang swab ay dapat na naisagawa sa loob ng pitumpu't dalawang (72) oras simula na pag-alis)

PAGPROSESO NG MGA PAGSUSURI SA DUGO

Dahil sa dami ng trabaho na resulta ng mataas na dami ng COVID-19 na kasalukuyang isinasagawa, nakikita ng KEMH na ang laboratoryo ay magagamit ng husto sa mga panahon na ito. Ibig sabihin nito ay ang naakasanayang *routine bloodwork* ay maaaring hindi mailabas sa loob ng bente kwatro (24) oras, gayunpaman, sa oras ng sakuna o emergency at mga sitomatikong swabs ay patuloy na bibigyan ng prayoridad tulad ng sa ngayon.

Kasunod ng pagsusuri sa kasalukuyang *workload* o dami ng trabaho ng laboratoryo, ay maglalabas ng desisyon ngayong lingo kung paano mapapamahalaan ang sitwasyon at, kasunod nito, ay isang maikling patnubay ang ibibigay sa mga *clinicians* o mga klinika sa parehong KEMH at sa MPC Medical Centre.

PAALALA SA MGA MAY SAKIT

Nais ipaalala ng KEMH sa lahat na kung ikaw ay may sipon o sakit na tulad ng sa trankaso, o may sakit sa gastrointestinal, pakiusap na manatili sa bahay; huwag pumunta sa trabaho o sa paaralan.

Kung ikaw ay may sakit na nakakahawa, hinihiling ng KEMH na sila ay tawagan sa numerong 28000 ngunit **HUWAG** pumunta sa ospital. Ang mga miyembro ng staff ay magbibigay ng abiso sa iyo gamit ang telepono. Paalala na ang mga sintomas ng COVID-19 ay ang mga sumusunod:

- Isang bago o lumalalang ubo
- Mataas na temperatura
- Naghahabol sa paghinga
- Namamagang lalamunan
- Pagbahing o pagkakaroon ng sipon
- Pansamantalang pagkawala ng panlasa o pang amoy

POLISIYA SA QUARANTINE AT MGA BISITA

Inilunsad ng gobyerno noong nakaraang lingo ang isang survey upang humingi ng puna sa pagpapabuti ng *transport arrangements* mula at papunta sa airport, bago nito tapusin ang mga pagbabago at mga updates sa mga regulasyon sa mga susunod na lingo. Isang daan at labing walong (118) tao ang tumugon sa survey, na naglalayon na malaman kung may

mga dapat baguhin sa mga pagsasaayos o *arrangements* – kung may hindi malinaw o kung may mga problemang maaaring mangyari. Magtatapos ang survey sa ika-8 ng Nobyembre, kaya pumunta laman sa <https://www.surveymonkey.com/r/Feedback-on-Quarantine-Arrangements> para ibahagi ang inyong mga puna. Maaari ring mag email sa communications.head@sec.gov.fk o tumawag sa 27400.

Ang mga pagbabago sa mga pagsasayos o *arrangements* ay agad na ipapatupad at ito ay ilalathala o ilalabas sa lalong madaling panahon. Sa ngayon, ang mga bagay na dapat tandaan tungkol sa quarantine ay ang mga sumusunod:

- Sa panahon ng quarantine, ikaw ay limitado lamang sa iyong tahanan at hardin at dapat kang manatili maliban na lamang kung nangangailangan ka nag tulong medikal o kung may sakuna.
- Sa panahon ng quarantine ay huwag makipagkita sa mga kaibigan, pumasok sa trabaho, sa paaralan, mga pampublikong lugar o gumamit ng pampublikong sasakyan o mga taxi, hangga't makumpleto mo ang buong labingapat (14) na araw ng quarantine.
- Maaari kang umorder ng groceries, meter cards para sa kuryente, fuel, at iba pang mga gamit o gamot sa pamamagitan ng telepono at magbigay ng instructions na nakasaad kung ang mga ito ay dapat na iwan sa labas, sa iyong porch, o sa kahit saang lugar sa iyong tahanan na nararapat.
- Huwag mag-imbita o magpapasok ng mga bisita sa iyong tahanan o hardin, yaong mga nakatira lamang sa iyong tahanan ang maaaring manaitili dito.
- Hindi ka maaaring lumabas para maglakad, tumakbo, o magmaneho, kahit na sa malalayong lugar.

Nasa kamalayan namin na may mga estudyante na babalik sa Falkland Islands para sa Pasko, at sumulat na ang gobyerno sa mga magulang para paalalahanan sila tungkol sa mga *requirements* o mga kailangang gawin sa *quarantine*. Patuloy na magbibigay ng impormasyon sa mga estudyante bago sila umalis ng UK at isang Anunsyo para sa Serbisyo Publiko ang ipapakalat sa buong komunidad, bilang paalala na ang **lahat** ng mga bisita sa darating sa isla para sa panahon ng kapaskuhan ay sasailalim pa rin sa *quarantine*.

SURVEY SA PAGTUGON SA COVID-19

Ang mga resulta ng survey sa COVID-19, kasama ang ilang mga rekomendasyon, ay nakakasa na at nakatakdang iharap sa *Corporate Management Team* ng Gobyerno at sa mga MLA sa kalagitnaan ng Nobyembre, at inaasahan na ililimbag ito kasunod ng mga pag-uusap.

UPDATE SA LATAM

Kinumpirma ng LATAM na ang ang ruta ng Sao Paolo ay nananatiling suspendido hanggang sa ika-18 ng Nobyembre 2020, at patuloy na nakikipag-ugnayan ang FIG sa LATAM tungkol sa susunod na petsa ng patuloy na suspensiyon. Katulad ng inanunsyo noong ika-27 ng Agosto 2020, ang rutang Punta Arenas-Santiago ay manantiling

suspendido hanggang sa ika-2 ng Enero 2021, at ang sitwasyon ay susuriin sa petsa na malapit dito.

UPDATE SA PROGRAMANG TRIP

Simula ng inilunsad ito, lampas isang libo at apat na raan (1,400) na tao ang nag apply sa **Tourism Recovery Incentive Programme (TRIP)** para sa mga residente ng Falkland Islands, ay isang magandang balita. Bilang isang paalala, magpa rehistro muna bago magamit ang scheme na ito, na maaari mong gawin online a mismong sa opisina. Ang lahat ng detalye tungkol dito ay makikita <https://www.falklandislands.travel/>. Tatakbo ang scheme hanggang sa ika-31 ng Marso 2021, dahil inaasahan natin na hindi tayo magkakaroon ng ng turista sa mula sa ibang bansa na bibisita sa isla hanggang sa mga panahon na ito.